



**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

3. De requisitis ad juramenti validitatem.

[urn:nbn:de:hbz:466:1-62177](#)

13. dum dicitur, *Dominum Deum tuum timebis.*
& illi soli servies, ac per nomen illius jurabis, & Pſol.
 14. Ut laudari videatur hoc juramentum; *Laudat* iurant omnes, qui *jurant in eo*. Item ex secundo precepto Decalogi, quo prohibetur, ne alii nomen Domini Dei in vanum & frustram inde sequitur, specialiter non prohibetur, ac per se malum est, si non frustra nec indebito modo proferatur. Confirmaturque ex consuetudine Ecclesiæ, cuius auctoritate sapè exigunt hujusmodi juramentum, vel in judiciis, ut patet ex toto b. t. & sup. 11. *De testib. vel ad abjurandam hæresim, ut patet ex tit. De heret.* vel ad expurgationem aliquius ciuinis, ut patet ex tit. *De purgat. Canonica;* vel ad pacem confirmandum, obedientiam promittendam, vel alias similares causas: sed etiam per creaturas, modo jam accide.

3. Licum autem esse hoc juramentum omnijure patet: & quidem in primis, de jure naturali & divino veteri, constat ex juramento Iosephi & Moysis: de jure novo, divino ex juramento Pauli, de jure civili, ex l. 3. §. *jurari.* Qui per salutem D. hoc sit de jure Canonico, ex can. Si aliqua e. Habimus XXII. q. 1. Ubi supponitur, esse licitum juramentum per Evangelia, per Reliquias, vel Altare, can. Qui petierat. XXII. q. 5. Ubi pariter supponitur, licitum esse iuramentum per Crucem consecratam vel non consecratam, & sic de similibus.

4. Non obstat, quod ex Matt. 5. in contrarium adducitur, quia ibi prohibetur iuramentum per creaturas, non quia per se si malum, sed omniam frequentiam; & ne levia de causa iuretur, ut Iudæi iurabant. Unde in d. e. *Eſi Christus hoc t. dicitur,* quod si fiat per creaturas, esse ferandum, quia ibi agitur de iuramento per creaturas, ut relatas ad verum Deum, ut patet ex ratione, quam ibi subdit Pontifex.

Potest tamen hoc iuramentum ratione scandali esse malum: nam cum iurare per creaturam, secundum se & absolutè spectatam, sit idolatria, facile contingere potest, ut si fiat absolute inter fucos, qui non faciliter discernere valent, quo sensu fiat, it scandalizentur.

5. Non etiam obstat, quod postquam ibidem Christus dixit, *Sit sermo vester, Eſt eſt, Non non, subiectat, Quod autem his abundantrius eſt, à mārē;* quia non dicit, iuramentum esse malum,

quando necessitas illud exigit, sed à malo esse, quia scilicet necessitas ejus à malo provenit, nempe, velab incredulitate audientium alterum aliquid simpliciter afferentem, vel negantem, vel vel promittentem, cui fidem adhibere nolunt, nisi assertio aut negationem vel promissio- nem iuramento confirmet; vel à defectu veritatis humanae in natura corrupta ut sic intelligatur non de malo culpæ, sed de malo pœna seu im- perfectionis humanæ: quia inde evenit, quod iuramentum aliquando reputetur atque etiam sit necessarium, ut constat ex Paulo ad Hebr. 6. Necessitas iuramentum est, ut sit omnis controve- rsiæ finis & confirmatio.

6. Denique non obstat d. can. Clericum, quia loquitur de iurante per creaturas more Ethnico, tamquam per Deos quoddam, ut Jovem & similes.

§. III.

De requisitis ad iuramenti validita- tem.

1. Requiritur ad essentiam iuramenti, prim. intentio iurantis.
2. Dicens Per fidem meam, vel simile quid, non jurat.
3. Secundū requiritur locutio, saltem interior.
4. 5. 6. Comites iuramenti liciti sunt Veritas, iustitia & iudicium.

1. Supposito iuramento licitum esse, viden- dum nunc est, quæ nam ad ejus validitatem requirantur. In primis requiritur intentio juri- randi seu Deum in testem vocandi. Hinc enim dormiens vel amens non dicitur jurare, licet verba ad iuramentum apta & sufficientia profes- rat: quia iuramentum significat actum huma- num, qui non potest esse absque intentione & voluntate, nam & ideo votum sine intentione votendi non est verum votum, sed fictum.

2. Hinc etiam, qui dicit, *Per fidem meam, Per fidem lev. fide boni viri, Per conscientiam meam* secundum ordinariam hujusmodi formularum usurpationem, non censeretur jurare, quia non intendit jurare, sed solum significat se loqui ex virtute fidei sua vel veritatis, vel ex conscientia sua, ut si fallat, non habeatur verax aut fidelis, Lessius 2, *De iust. & Iure c. 24. n. 4.*

Secundū, requiritur locutio, saltem interior, qua Deus vocetur in testem.

Cc 3

Dico

3. Dico, saltem interior; quia verius videtur, ne quidem in iis, qui loqui possunt, requiri verba ad essentiam iuramenti, sed tantum ad certiorum probationem iuramenti, vel ad manifestandam mentis significationem, *Covar ad e. Quamvis pactum De pactis in 6 p. 1. in princ n. 4.* Probatum, quia iuramentum soli Deo praestatur, qui solus & etiam solius mentis inspectore est, *can Si quid invenisti xv. q. 5. can. Erubescant Distinct.*

32. Videatur latius *Covar d. loco.*

4. Tertiò, præteriam dicta, quæ ad essentiam iuramenti pertinent, ita ut, altero deficiente, non sit iuramentum, alia etiam requiruntur, ut sit licitum, & tres, ut vocant, comites habeat, necesse est, scilicet Veritatem, Justitiam & Judicium, *d.s. Et si Christus h.t. & tradidit Canonista in can. Animadversendum xxii. q. 2.* Requiritur Veritas, & scilicet ceterum, quod asseritur vel negatur, sit verum. & quod promittitur, suo tempore impletatur: alioquin iurans esset peritus, *c. Debitorum 6. c. Ad nostram. c. Querelam' o. & aliis h.t.* nam defectus veritatis est directe & maximè contrarius fini iuramenti, qui est confirmatione veritatis, *ad Hebr 6* proslusque destruit, & elevat auctoritatem illius.

5. Requiritur Justitia, ut tantum iuretur id quod est licitum & honestum: alioquin contra bonos mores præstatum iuramentum non est obligatorium, nec servandum. *e. Non est obligatorium De R. I. in 6. & similibus.* Quinimodo qui, quod a turpiter iuravit, adimpleret, duplice se criminis involveret. Et ideo dicitur, melius actolerabilius esse, vota stulta promissionis rei cere nec implere, quam per utilitatem promissorum custodiam crimen committere: & in malis promissis rescindendam esse fidem, in turpi voto mutandum decretum; necepsle facendum, quod in causa quis vovit, quia impia est promissio, quæ sceleris adimpleretur, *can. Si publici, can. In malis 5. cum seq. xxii. quas. 4.* Neque iuramentum ideo est institutum, ut esset vioculum iniuritatis, *e. Quan:017. b.t. c. 1. eod. in 6.* Hinc igitur si quod promittitur, sit illicitem, sive ex le, quia prohibitum, ita ut illud exequi sit malum, & peccatum seu mortale, seu veniale iuramentum promissorum adiectum non obligat, *d.c. Quanto d.c. Non est obligatorium &c.* Si vero *8. c. Cum contingat 8. h.t.* Quia involvit contradictionem, quem obligari ad peccatum.

veniale vel mortale, cùm nemo peccet adimplendo id, ad quod obligatur. Nec potest idem simul præcipi & prohiberi. Et ideo qui promis latroni se illum non denuntiatum Judici, non obligatur eo casu, quo in contrarium esse superioris præceptum, eut denuntiationem expoiceret publica utilitas, vel salus Republicæ: neminem potest quis se obligare contra præceptum superioris aut legis seu bonum commune Rep. Aliud dicendum forer, si denuntiare effici solum consilii, quia tum non posset eum denuntiare, nisi prius relaxato iuramenti vinculo: cùm enim iuramentum eo casu sit in alterius favorem, & servari absque peccato possit, obligat; nisi ipse vel aliis habens potestatem, illud relaxet, *d.t. Quamvis pactum pactis in 6.*

6. Requiritur Judicium, ut scilicet cum debita & prudenti consideratione jureret, & tunc dumtaxat, quando necessitas, juxta prædictum arbitrium, iuramentum postulat, protinus levius. Exemplo Pythagorei Clinix, qui maluit pati trium talentorum multam, quam eandem iuramento (uti porerat) evitare; licet non fuisset falsò juratus. Nam qui pro reliqui jurat, licet verum sit, quod iurat, tamen peccat, *e. Tua nos 24. h.t.* Sic iudicio, caret ius iudicandi, cum quis iurat id, cuius contrarium ante iuravit, *e. Tua nos 1. hoc.* Ut autem sit inter hos tres comites distinctio, subiudicio comprehendendi poterunt reliqua omnia, quæ præter veritatem & Justitiam ad debitum modum iurandi, secundum rectam prudentiam, quæ est auriga omniū virtutum moralium, desiderari possunt.

§ IV.

De divisione Juramenti.

1. *Iuramentum, aliud est Assertorium.*
2. *Aliud Promissorium.*
3. *Aliud Comminatorium.*

Iuramentum variis modis dividi potest. Hic eam tantum divisionem prosequemur, quæ ad institutum nostrum maximè est accommodata. Ea est, quā dividitur in Assertorium, Promissorium & Comminatorium.

1. *Assertorium est*, quo aliquid affirmamus aut negamus esse, suisse aut futurum esse, sine aliqua promissione. ut, *Juro, Petrum hesteno die*